



Universitätsbibliothek Paderborn

**Instrvctio R.P. Ignatii Balsamonis Societatis Iesu,
Theologi. De Perfectione Religiosa, Et De Vera Recte
Orandi & meditandi methodo**

Balsamo, Ignazio

Coloniæ Agrippinæ, 1612

I. Documentum. Religiosum perfectionem suam magni æstimare debere

[urn:nbn:de:hbz:466:1-48888](#)

*exhibere debet, vt & ipse possideat
Dominum, & possideatur a Domino.*

Ex his quæ præcedentibus duobus articulis dicta sunt, Religiosus quisque intelligere potest, quod illius officium ac munus sit, quidque ipsum facere oporteat, vt boni religiosi nomen gerat: nimirum, vt ea omnia quæ a sanctis viris de Religiosorum moribus dicta & scripta fuerunt, quæque propria illius nomina significant, perficere & obseruare laboret. Quod quanquam ei instar omnium præceptionū esse possit: attamen operæ præmium me faciurum arbitra tus sum, si paulò distinctius & apertius documēta, quæ illi scitu & obseruatū necessaria sunt, si ad finem vocationis suæ pertingere, id est vitam sanctam & perfectam ducere velit, traderim.

**DECIM DOCUMENTA AD
Religious perfectionem acqui-
rendam necessaria.**

I. DOCUMENTVM.

*Religiosum vocationem suam magni
æstimare debere.*

PRIMVM ergo documentum sit:
Religioso maximi pendendam
esse vocationem suam: id est religi-
osum illum ordinem ad quem à Deo
vocatus fuit, ut nimis eum tener-
timè diligat, & super omnes alios in
corde effera (quamvis cauendum sit
ne in congressu & sermone cum ali-
js, ceteris eum præferat:) atque be-
neficium vocationis suæ pluris æsti-
met, quam alia omnia, quibus eum
Deus ornauit. Nam parum aut nihil
profuissent ei beneficia Creationis,
Redemptionis, &c. si in seculari statu
mansisset. Documentum hoc idcir-
co primo loco traditum est, tanquam
exterorum fundamētum, quia quā-
tò religiosus vocationem suam cha-
riorem habuerit, tanto illi melius
atque feruētius satisfaciet: in omni
virtute amplius proficiet, atque in
ea ad finem usque perseverabit. Cō-
tra vero, qui ad institutum suum non
adeo valdē affecti sunt, parum pro-
ficiunt

ficiunt, & facillimè à vocatione sua,
vti quotidiana cernimus experien-
tia, excidūt. Ad hoc autem duo præ-
cipue producunt: primum, legere
frequenter, eleganissimam S. Ber-
nardī Homiliā, quam *de margari-*
ta pretiosa conscripsit, in qua demon-
strat, margaritam hanc esse Religi-
onem, & alium eiusdem sancti viri
sermonein, *Contra pessimum vitium*
ingratitudinis. Et Hieronymi Platī
librum, *de bono status Religiosi*, non
ita pridem in lucem editum, quo sci-
tissimè Religiosorum fælicitatem
& commoda depingit. Deinde, cre-
bro secum reuoluere magnitudinem
& excellentiam beneficij vocatio-
nis, illudque omni die & hora cor-
de circumferre, & incessanter Deo
gratias ex totis visceribus pro tan-
ta gratia & fauore agere, atque cor-
de simul & ore concinere illud
Psalm. *Non fecit taliter omni natio-*
ni. Etenim nihil adeo displiceret diui-
no numini, quam hæc Religiosorum
ingratitudo, quemadmodum S. Ber-
nard. testatur dicens. *Nihil ita di-*
plices

Psal. 147.

DE PERFECTIONE

Serm. de se
ptem miseri-
cordijs.

plicet Deo, præsertim in filijs gratiæ, in
hominibus conuersionis, quemadmodū
ingratitudo: vias enim obstruit gratiæ,
Et ubi fuerit illa, iam gratia locum non
habet, accessum non inuenit. Peremp-
toriares est ingratitudo, hostis gratiæ,
inimica salutis. Multa quoque alia in
hanc sententiam scribit in sermo.
paulo ante allegato. *Contra vitium
ingratitudinis.* Quæ autem Religioso
consideranda sint, ut beneficium vo-
cationis suæ cognoscat, sub finem
huius tractatuli, inter consideratio-
nes Religioso proprias dicamus.

DOCUMENT. II.

*Religiosus debet pietati atque deuoti-
oni addictissimus esse.*

SECUNDVM Documentum sit:
Religiosum debere maximè ad-
dictum esse deuotioni, id est, oratio-
ni, contemplationi, conscientiæ dis-
cussioni, Sacramentorum frequen-
tationi, & Lectioni spirituali: hæc e-
nim omnia complectitur verbum,
Deuotio. Opus est igitur, ut talem ha-
beat

Dom. 1